

KE USUÑ EMMAUS
Luke 24:1-48
QYQHỌ UKPEP-ÑKPỌ 65
Eke Mkpawawa

IKỌ IBUOT: “Enye eset ke mkpa ke qyqhọ usen ita, nte asañade ekekem ye se Ñwed Abasi ọdọhọde”
(1 Ñwed Corinth 15:4).

Ukpọk Udi

Christ ama akan kpukpru mme asua Esie. Udi ikekemeke ndimum Edisana Eyen Abasi nnim. Enye ama ọdọhọ ete ke iyeset ke qyqhọ usen ita; ndien ke usen oro ekemde, baba odudu owo ndomokiet, okukip udi, ufik-ñkpọ mbon Rome, mbon-ekọñ emi ekekpemede udi ikekemeke ndimum Andinyaña emi ama ekeset nnim ke udi. Enye ama ekpe ekọm-urua ndifak nnyin, onyụñ edep nsinsi uwem ọnọ nnyin.

Mbet ikekemeke ndinim etop eke iban oro ekenode, ete ke mmimọ ima ikut nte udi anade ukpọk, ndien ke mmimọ ima ikut mme angel emi ekesiande mmimọ ete ke Christ ama eset ke mkpa. Etie nte mmọ ema efre kpukpru se Jesus eketiñde ete ke iyetọñọ ntak iset ke mkpa. Mmọ ema enim ke akpanikọ ete ke edi Jesus edifak mmimọ isio ke ukara mbon Rome; ndien ke emi, Enye ama akpa, mmọ ema efuhọ eti-eti ndien eketie nte mmọ ema esọsọp efre ete ke Enye eyeset ke mkpa.

Mme ewet-ñwed (scribe) ye Pharisee ikenimke Jesus ke akpanikọ, edi mmọ ema ekop ete ke Enye ama ọdọhọ ete iyeset ke qyqhọ usen ita, ndien mmọ ema eti. Mmọ ekeyom eneñere edian ufik-ñkpọ ke udi man baba owo kiet okudi ediyip okpo Esie onyụñ ọdọhọ ete ke enye ama eset. Edi mbet ema efre. Kpa ye oro ke ini mmọ ekeikutde nte udi anade ukpọk, mmọ ikekemeke ndidiọñ se ikotibede.

Unana Ndisọp Nnim Ke Akpanikọ

Ke ini mbet Jesus iba ekesañade eka ke usuñ Emmaus ke okoneyo Sunday oro, mmọ ema ekere ete ke akpatre idorenyin ọbọhọ mmimọ. “Esenowo” osobo ye mmọ onyụñ oyom ndifiok se ikanamde mmọ efuhọ ntre. Mmọ ema edu ke mkpaidem koro eketie mmọ nte ke enye ikodiọñoke se ikadade itie ke Jerusalem ke utọ ini oro, ndien mmọ ema etiñ enọ Enye ebaña ukwañ ubierikpe emi ekebierede enọ Jesus ye nte ekekoñde Enye ke kros. Esenowo oro ama asua ọnọ mmọ koro mmọ mikosopke ndinim se Ikọ Abasi eketiñde abaña Christ. Obio Ubọñ Esie ikedighe eke ererimbot emi, ndien ama ọfọn nte Enye akpa man afak ubon owo; edi Enye eyetọñọ ntak eset. Mme Ikọ Abasi oro ema esu, edi kpa ye oro ikosuk iñwañake mmọ, mmọ ñko ikonyuñ ifiokke Owo Emi akasañade ye mmọ, emi okonyuñ anamde Ikọ añwaña mmọ.

Ke ini mmọ ema ekestim obio-iñwañ emi mmọ ekekade, Enye ama anam nte oyom ndibe ñka iso, ndien mbet ema eyire Jesus ete yak edi edidia udia ye mmimọ. Enye ama onyime; ndien ke ini ema ekenam udia ekure, enye ada itie Esie ke ibuoit okpokoro onyụñ ebeñe edidiọñ esin ke udia oro mmọ ekeyomde ndidia. Ndien mbet ema edidiọñ Enye nte Ọbọñ, ndien Enye onyụñ osop ke iso mmọ.

Edifiak Nnyọñ Jerusalem

Idem ama akpa mmọ eti-eti nte ke Jesus ọtọñọ ntak odu uwem, mmọ ema esọsọp efiak enyọñ Jerusalem. Tọñọ ke Jerusalem ka obio-iñwañ emi ekedi ñkpọ nte itiat itiaba ye ubak, ndien ekedi okoneyo, mmọ ekenyene ndisaña ke ukot, baba ñkpọ kiet ikekemeke ndimum mmọ nnim. Mmọ ema ekut Jesus ye uwem!

Mmọ ema edisim ubet emi mme isuñ-utom ekebohode, edi mbemiso mmọ enyene ifet ndibuk eti-mbuk mmọ, ema etiñ enọ mmọ ete ke Peter ñko ama okut Jesus. Nte idem okosuk aduaide mmọ abaña akwa utibe-ñkpọ emi, Jesus ama ọbiọñore ke ufot mmọ. Enye ikasuaha inọ mmọ, ikonyuñ itihi mmọ nte mmọ ekesinde Enye ke iñwañ. Utu ke ndinam ntre, Enye ọdiọñ mmọ onyụñ ọdọhọ ete, “Emem akpakam odu ye mbufo.” Enye ikoyomke mmọ enyene ndik, edi okoyom mmọ enim Imọ ke akpanikọ. Enye ama owut mmọ ubok ye ukot Esie, ye ñkañ emi mbon-ekọñ Rome ekekimde Enye ke eduat. Mmọ ikeyikke ite Enye ekedi Jesus.

Edi nso oruk ikpohidem ke Enye ekenyene? Enye ama akpa, ndien mmọ ekekere ete ke Enye edi spirit. Edi Jesus ama ọdọhọ mmọ enọ Imọ udia, Enye ama ọsuhore etie ye mmọ adia ñkpọ. Enye ekenyene ikpohidem ubọñ emi ekemede ndisaña mbe ke mme ibibene; kpa ye oro Enye ikedighe Spirit (Luke 24:39).

Eti-mbuk Emi Enyenede Kpukpru Owo

Ke usen aba, Jesus ama ayarade idem owut mbet Esie, ọdọñ mmọ esit, ọnọ mmọ mme item abaña ñtọñọ ufok-Abasi. Ama ekpere ini Enye ndika ke heaven onyụñ ọkpọñ mmọ ete ekwọrọ Eti-mbuk. Enye ama ọñwọñọ ete ke iyedọñ Iberedem emi edikpepde mmọ se editiñde, edinyuñ ọnọde mmọ akwa odudu ye eti ukeme ndisọñọ nda ke iso mme anam-idiok. Mmọ ekenyene nditọñọ utom ukwọrọ-ikọ Abasi ke Jerusalem, edi mmọ ñko ekenyene ndikwọrọ ikọ nnọ kpukpru mme idut eken. Emi ekedi ọkpọsọñ ñkpọ ọnọ mbet ndidiọñ, akpan-akpan Peter. Mmọ ekekere ete ke erinyaña enyene mme Jew ikpọñ-ikpọñ, edi Jesus ama etiñ ọnọ mmọ ete ke kpukpru owo ekeme ndinyene erinyaña edieke mmọ ekabarede esit enyụñ enimde Iyip Esie eke ọkọduhọde ke akpanikọ.

MME MBUME

1. Nso idiñq̄ ke ekefik ke udi? Jesus akasaña didie q̄wq̄r̄ ke esit?
2. Nso ke owo iba emi ekesañade ke usuñ Emmaus eketiñ ebaña?
3. Nso ke Esenowo oro eketiñ q̄nq̄ mmq̄ abaña Ikq̄ Abasi?
4. Ini ewe ke owo iba oro ekediñq̄ Esenowo oro?
5. Nso ikotibe ke ini mmq̄ enyq̄ñde ekesim Jerusalem?
6. Nso item ke Jesus q̄kq̄nq̄ mbet Esie?